

摘藻堂四庫全書薈要

集部

欽定四庫全書薈要卷一萬八千七十四

集部

御定全唐詩卷六百六十九

章碣

章碣孝標之子登乾符進士第後流落不知所終詩一卷

城南偶題

誰家朱閣道邊開竹拂欄干滿壁苔野水不知何處去
遊人却是等閒來南山氣聳分紅樹北闕風高隔紫台

可惜登臨好光景五門須聽鼓聲迴

贈邊將

千千鐵騎擁塵紅去去平吞萬里空
宛轉龍蟠金劍雪連錢豹躩繡旗風
行收部落歸天闕旋進封疆入帝聰
只有河源與遼海如今全屬指麾中

桃源

絕壁相欹是洞門昔人從此入仙源
數株花下逢珠翠半曲歌中老子孫
別後自疑園吏夢歸來誰信釣翁言

山前空有無情水，猶遶當時碧樹村。

曲江

日照香塵逐馬蹄，風吹浪濺幾回隄。
無窮羅綺填花徑，大半笙歌占麥畦。
落絮却籠他樹白，嬌鶯更學別禽啼。
祇緣頻燕蓬洲客，引得遊人去似迷。

送韋岫郎中典泗州

一作癸丑歲毗陵會中貽同老

玉皇恩詔別星班，去壓徐方分野間。
有鳥盡巢垂汴柳，無樓不到一作對隔淮山。
旌旗漸向行時擁，案牘應從到日

閒想憶朝天獨吟坐旋飛

一作

攜新作過秦關

贈婺州蘇員外

帝念瓊枝欲並芳星分婺女寄仙郎鸞從闕下雖辭侶

鴈到江都却續行

員外弟冲時任衢州

煙月一時搜古句山川兩地植

甘棠即看龍虎西歸去便佐羲軒活萬方

寄友人

謝家山水屬君家曾共持鉤擲歲華竹裏竹雞眠蘚石
溪頭鷓鴣踏金沙登樓夜坐三層月接果春看五色花

昨日西風動歸思滿船涼葉在天涯

雨

低着煙花漠漠輕正堪吟坐掩柴扃亂沾細網垂窮巷
斜送陰雲入古廳鎖却暮愁終不散添成春醉轉難醒
霽來還有風流事重染南山一遍青

觀錫宴

傾朝朱紫正駢闐紅杏青莎映廣筵不道樓臺無錦繡
只愁塵土撲神仙魚銜嫩草浮池面蝶趨飛花到酒邊

日暮驂騑相擁去
幾人沉醉失金鞭

城東即事

閒尋香陌鳳城東
時暫開襟向遠風
玉笛一聲芳草外
錦鴛雙起碧流中
苑邊花竹濃如繡
渭北山川澹似空
回首漢宮煙靄裏
天河金閣未央宮

夏日湖上即事寄晉陵蕭明府

亭午羲和駐火輪
開門嘉樹庇湖濱
行來賓客寄茶味
睡起兒童帶簟紋
屋小有時投樹影
舟輕不覺入鷗羣

陶家豈是無詩酒公退堪驚日已曛

對月

殘霞卷盡出東溟萬古難消一片冰
公子踏開香徑蘚美人吹滅畫堂燈
瑤輪正輾丹青去銀箭休催皓露凝
別有洞天三十六水晶臺殿冷層層

一作難登

浙西送杜晦侍御入關

紫詔徵賢發帝聰繡衣行處撲香風
鷄歸秦樹幽禽散星出吳天列舍空
捧日思馳仙掌外朝宗勢動海門中

鞭鞘所拂三千里多少諸侯合避驄

寄江東道友

野亭歌罷指西秦避俗爭名興各新
碧帶黃麻呈縹緲短竿長線弄因循
夜潮分卷三江月曉騎齊驅九陌塵
可惜人間好聲勢片帆羸馬不相親

下第有懷

故鄉朝夕有人還欲作家書下筆難
滅燭何曾妨夜坐傾壺不獨為春寒
遷來鶯語雖堪聽落了楊花也怕看

但使他年過公道月輪長在桂珊珊

春日經湖上友人別業

何處狂歌破積愁
攜觴共下木蘭舟
綠泉濺石銀屏濕
黃鳥逢人玉笛休
天借煙霞裝島嶼
春鋪錦繡作汀洲
一年一電逡巡事
不合花前不醉遊

長安春日

春日皇家瑞景遲
東風無力雨微微
六宮羅綺同時泊
九陌煙花一樣飛
暖著柳絲金蘂重
冷開山翠雪稜稀

輸他得路蓬洲客紅綠山頭爛醉歸

陪浙西王侍郎夜宴

深鎖雷門宴上才旋看歌舞旋傳杯黃金鷁鷺當筵睡
紅錦薔薇映燭開稽嶺好風吹玉佩鏡湖殘月照樓臺
小儒末座頻傾耳祇怕城頭畫角催

春別

擲下離觴指亂山趨程不待鳳笙殘花邊馬嚼金銜去
樓上人垂玉筍看柳陌雖然風裊裊蔥河猶自雪漫漫

殷勤莫厭貂裘重，恐犯三邊五月寒。

送謝進士還闕

百越風烟接巨鰲，還鄉心壯不知勞。
雷霆入地建溪險，星斗逼人梨嶺高。
却擁木綿吟麗句，便攀龍眼醉香醪。
名場聲利喧喧在，莫向林泉改鬢毛。

焚書坑

竹帛煙銷帝業虛，關河空鎖祖龍居。
坑灰未冷山東亂，劉項元來不讀書。

東都望幸

紀事云高湘侍郎南遷歸闕途次連江連州邵安石以所業獻遂挈至輦

下湘主文安石擢第
碣賦東都望幸刺之

懶修珠翠上高臺
省月連娟恨不開
縱使東巡也無益
君王自領美人來

旅舍早起

跡暗心多感
神疲夢不遊
驚舟同厭夜
獨樹對悲秋
晚角和人戰
殘星入漢流
門前早行子
敲鐙唱離憂

癸卯歲毘陵登高會中貽同志

流落常嗟勝會稀
故人相遇菊花時
鳳笙龍笛數巡酒
紅樹碧山無限詩
塵土十分歸舉子
乾坤大半屬偷兒
長楊羽獵須畱本
開濟重為闕下期

上元夜建元寺觀燈呈智通上人

建元看別

一作列

上元燈處處迴廊鬪火層珠玉亂拋高

殿佛綺羅深拜遠
山僧臨風走筆思
呈惠到曉行禪合
伴能無限喧闐留
不得月華西下露
華凝

變體詩

蔡寬夫詩話
碣詩平側各一韻
自號變體

東南路盡吳江畔正是窮愁暮雨天鷗鷺不嫌斜兩岸
波濤欺得逆風船偶逢島寺停帆看深羨漁翁下釣眠
今古若論英達算鷓夷高興固無邊

御定全唐詩卷六百六十九

欽定四庫全書蒼要卷一萬八千七十五

臬部

御定全唐詩卷六百七十

秦韜玉

秦韜玉字仲明京兆人中和二年得准勅及第僖宗幸蜀以工部侍郎為田令孜神策判官投知小錄三卷今編詩一卷

長安書懷

涼風吹雨滴寒更鄉思欺一作人撥不平長有歸心懸馬

首可堪無寐枕蛩聲嵐收楚岫和空碧秋染湘江到底
清早晚身閒著蓑去橘香深處釣船橫

檜樹

翠一作寧雲交幹瘦輪困嘯雨吟風幾百春深蓋屈盤青塵

尾老皮張展黑龍鱗唯堆一作將寒色資琴興不放秋聲染

俗塵歲月如波事如夢竟留蒼翠待何人

讀五侯傳

漢亡金鏡道將衰便有姦臣競佐時專國祇誇兄弟貴

舉家誰念子孫危後宮得寵人爭附前殿陳誠帝不疑
朱紫盈門自稱貴可嗟區宇盡瘡痍

春雪

雲重寒空思寂寥玉塵如糝滿春潮片纔著地輕輕陷
力不禁風旋旋銷惹砌任他香粉妒紫叢自學小梅嬌
誰家醉卷珠簾看弦管堂深暖易調

貧女

蓬門未識綺羅香擬託良媒益自傷誰愛風流高格調

共憐時世儉梳妝敢將十指誇偏一作織巧不把雙眉鬪畫
長苦恨年年壓金線為他人作嫁衣裳

題竹

削玉森森幽思清院家高興尚分明捲簾陰薄漏山色
欵枕韻寒宜雨聲斜對酒缸偏覺好靜籠碁局最多情
却驚九陌輪蹄外獨有溪煙數十莖

鸚鵡

每聞別雁競悲鳴却歎一作向金籠寄此生早是翠襟爭一作羨

愛惜可堪丹背彊分明雲漫隴樹魂應斷歌接秦樓夢
不成幸自一作禰衡一作人未識賺他作賦被時輕

寄李處士

呂望甘羅道已彰只憑時數為門一作張世塗必竟皆應

定人事都來不在忙要路強干情本薄舊山歸去意偏

長因君指似封侯骨漸擬回頭別醉鄉一作鳳凰

對花

長與韶光暗有期可憐蜂蝶却先知誰家促席臨低樹

何處橫釵戴

一作帶

小枝麗日多情

一作晴

疑曲照和風得路合

偏吹向人雖道渾無語笑

一作笑

勸王孫到醉時

寄懷

總藏心劍事儒風
大道如今已渾同
會致名津搜雋彥
是張愁網絆英雄
蘇公有國皆懸印
楚將無官可賞功
若使重生太平日
也應回首哭塗窮

題刑部李郎中山亭

儂家雲水本相知
每到高齋強展眉
瘦竹蟬煙遮板閣

卷荷擎

一作驚

雨出盆池笑吟山色同歌枕閒背庭陰對覆

碁不是主人多野興肯開青眼重漁師

八月十五日夜同衛諫議看月

常時月好賴新晴不似年年此夜生初出海濤疑尚濕
漸來雲路覺偏清寒光入水蛟龍起靜色當天鬼魅驚
豈獨座中堪仰望孤高應到鳳凰城

亭臺

雕楹累棟架崔嵬院宇生煙次第開為向西窗添月色

豈辭南海取花栽
意將畫地成幽沼
勢擬驅山近小臺
清境漸深官轉重
春時長是別人來

邊將

劍光如電馬如風
百捷長輕是掌中
無定河邊蕃將死
受降城外虜塵空
旗縫鴈翅和竿裊
箭撚雕翎逐隼雄
自指燕山最高石
不知誰為勒殊功

塞下

到處人皆著戰袍
麾旗

一作席箕

風緊馬蹄

一作發

勞黑山霜重弓

添硬青冢沙平月更高大野幾重開一作開雪嶺長河無限
舊雲濤風林闕外皆唐土何日陳兵戍不毛

一作猶尚蒐
兵數似毛

織錦婦

桃花日日覓新奇有鏡何曾及畫眉祇恐輕梭難作匹
豈辭織手遍生胝合蟬巧間雙盤帶聯鴈斜銜小折枝
豪貴大堆酬曲徹可憐辛苦一絲絲

釣翁

一竿青竹老江隈荷葉衣裳可自裁潭定一作古靜懸絲影

直風高斜颭浪紋開朝攜輕棹穿雲去暮背寒塘戴月
回世上無窮嶮巖事算應難入釣船來

曲江

曲沼深塘躍錦鱗槐煙徑裏碧波新此中境既無佳境
他處春應不是春金牓真仙開樂席銀鞍公子醉花塵
明年二月重來看好共東風作主人

隋隄

種柳開河為勝遊隄前常使路人愁陰埋野色萬條思

翠東寒聲千里秋西日至今悲兔苑東坡終不反龍舟
遠山應見繁華事不語青青對水流

天街

九衢風景盡爭新獨占天門近紫宸寶馬競隨朝暮客
香車爭碾古今塵煙光正入南山色氣勢遙連北闕春
莫見繁華祇如此暗中還換往來人

紫駟馬

渥洼奇骨本難求况是豪家重紫駟臙大宜懸銀壓胯

力渾欺著一作却

玉銜頭生獰弄影風隨步

一作起躑一作躑

躑衝塵

汗滿溝若遇丈

一作大

夫能控馭任從騎

一作驅

取覓封侯

問古

大底榮枯各自行兼疑陰隲也難明無門雪向頭中出
得路雲從脚下生深作四溟何浩渺高為五嶽太崢嶸
都來總向人間看直到皇天可是平

豪家

石甃通渠引御波綠槐陰裏五侯家地衣鎮角香獅子

簾額侵鉤繡辟邪按徹清歌天未曉飲回深院漏猶賒
四鄰池館吞將盡尚自堆金為買花

陳宮

臨春高閣擬瀛洲貪寵張妃作一作事勝遊便把江山為己

有豈知臺榭是身讐金城暗逐歌聲碎鐵甕潛隨舞勢
休誰識古宮堪恨處井桐吟雨不勝秋

送友人罷舉授南陵令

共言愁是酌離杯况值弦歌枉大才獻賦未為龍化去

除書猶喜鳳銜來
花明驛路燕脂暖
山入江亭罨畫開
莫把新詩題別處
謝家臨水有池臺

投知己

爐中九轉鍊雖成
教主看時亦自驚
羣嶽竝天先減翠

大江臨海恐無聲
賦一作晚歸已罷吳門釣
身一作垂老仍拋一作投

楚岫耕唯有太平
方寸血今朝盡向隗臺傾

牡丹

拆妖放艷有誰催
疑就仙中旋折來
圖把一春皆占斷

固留三月始教開
壓枝金蘂香如撲
逐朶檀心巧勝栽
好是酒闌絲竹罷
倚風含笑向樓臺

春遊

選勝逢君叙解攜
思和芳草遠煙迷
小梅香裏黃鶯轉
垂柳陰中白馬嘶
春引美人歌遍一作板
熟風牽公子酒旗
低早知有此闕
身事悔不前年住
越溪

仙掌

萬仞連峰積翠新
靈蹤依舊印輪巡
何如捧日安皇道

莫把回山示世人已擘峻流穿太嶽長扶王氣擁疆秦
為余勢負天工背索取風雲際會身

燕子

不知大厦許栖無頻已銜泥到座隅曾與佳人竝頭語
幾回拋却繡工夫

奉和春日玩雪

北闕同雲掩曉霞東風春雪滿山家瓊章定少千人和

銀樹先

一作長

開六出花

獨坐吟

客愁不盡本如水
草色含情更無已
又覺春愁似草生
何人種在情田裏

採茶歌

一作紫
笋茶歌

天柱香芽露香發
爛斫瑟瑟穿荻篾
太守憐才寄野人
山童碾破團團月
倚雲便酌泉聲煮
獸炭潛然蚌珠吐
看著晴天早日明
鼎中颯颯節風雨
老翠香塵下纔熟
攪時繞筋天一作秋
雲綠耽書病酒兩多情
坐對閩甌睡先

足洗我胸中幽思清鬼神應愁歌欲成

貴公子行

堦前莎球綠不捲銀龜噴香挽不斷亂花織錦柳撚線
妝點池臺畫屏展主人公業傳國初六親聯絡馳朝車
鬪鷄走狗家世事抱來皆佩一作黃金魚却笑儒生把書
卷學得顏回忍飢面

吹笙歌

信陵名重憐高才見我長吹青眼開便出燕姬再傾醕

此時花下逢仙侶，彎彎狂月壓秋波。兩條黃金閨黃霧，
逸艷初因醉態見。濃春可是韶光與，纖纖軟玉捧暖笙。
深思香風吹不去，檀脣呼吸宮商改。怨情漸逐清新舉，
岐山取得嬌鳳雛。管中藏著輕輕語，好笑襄王大迂闊。
曾卧巫雲見神女，銀鎖金簧不得聽。空勞翠輦衝泥雨，

咏手

一雙十指玉纖纖，不是風流物不拈。鸞鏡巧梳勻翠黛，
畫樓閒望擘珠簾。金杯有喜輕輕點，銀鴨無香旋旋添。

因把剪刀嫌道冷泥人呵了弄人髻

句

女媧羅裙長百尺搭在湘江作山色

瀟湘見詩話總龜

御定全唐詩卷六百七十

欽定四庫全書蒼要卷一萬八千七十六

集部

御定全唐詩卷六百七十一

唐彥謙

唐彥謙字茂業并州人咸通時舉進士十餘年不第乾符末攜家避地漢南中和中王重榮鎮河中辟為從事光啓末貶漢中掾曹楊守亮鎮興元署為判官累官至副使閬壁絳三州刺史彥謙博學多藝文詞壯麗至於書畫音樂無不出於輩流號鹿門先生集三卷今編詩

二卷

逢韓喜

相逢渾不覺祇似茂陵貧
裊裊花驕客瀟瀟雨淨春
借書消茗困索句寫梅真
此去青雲上知君有幾人

夜坐示友

夜久燭花落淒聲生遠林
有懷嫌會淺無事又秋深
黃葉歸田夢白頭行路吟
山中亦可樂不似此同襟

梅亭

東海窮詩客西風古驛亭
髮從殘歲白山入故鄉
青世事徒三窟兒曹且一經
丁寧速賒酒煮粟試砂瓶

歲除

索索風搜客沈沈雨洗年
殘林生獵跡歸鳥避窰煙
節物杯漿外溪山鬢影前行藏
都未定筆硯或能捐

詠月

陰盛此宵中多為雨與風
坐無風雨至看與雪霜同
抱濕離遙海傾寒向遠空
年年不相一作值還似道難通

聞應德茂先離崇溪

落日蘆花雨行人穀樹村青山時問路紅葉自知門
首
蒼窮詩味芭蕉醉墨痕端知棄城市經席許頻溫

松

托根蟠泰華倚幹蝕莓苔誰云山澤間而無梁棟材

梅

玉人下瑤臺香風動輕素畫角弄江城鳴璫月中墮

蘭二首

清風搖翠環涼露滴蒼玉美人胡不紉幽香藹空谷
謝庭漫芳草楚畹多綠莎于焉忽相見歲晏將如何

葡萄

金谷風露涼綠珠醉初醒珠帳夜不收月明墮清影

春草

隨夢入池塘無心在金谷春風自年年吹遍天涯綠

漁

相聚即為鄰煙火自成簇約伴過前溪撐破蘼蕪綠

留別四首

鵬程三萬里別酒一千鍾好景當三月春光上國濃
野花紅滴滴江燕語喃喃鼓吹翻新調都亭酒正酣
登庸趨俊乂廁用野無遺起喜賡歌日明良際會時
鹽車淹素志長坂入青雲老驥春風裏奔騰獨異羣

秋葵

月瓣團欒翦赭羅長條排縹綴鳴珂傾陽一點丹心在
承得中天雨露多

春草

天北天南遠路邊
托根無處不延綿
萋萋總是無情物
吹綠東風又一年

春日偶成

秦箏簫管和琵琶
興滿金尊酒量賒
歌舞留春春似海
美人顏色正如花

秋日感懷

溪上芙蓉映醉顏
悲秋宋玉鬢毛斑
無情最恨東流水

暗逐芳年去不還

七夕

會合無由歎久違
一年一度是緣非
而予願乞天孫巧
五色紉針補袞衣

懷友

金井涼生梧葉秋
閒看新月上簾鉤
冰壺總憶人如玉
目斷重雲十二樓

翡翠

莎草汀汀漫晚潮
翠華香撲水光遙
玉樓春暖笙歌夜
妝點花鈿上舞翹

詠馬二首

紫雲團影電飛瞳
駿骨龍媒自不同
騎過玉樓金轡響
一聲嘶斷落花風

峻崢高聳骨如山
遠放春郊首蓓間
百戰沙場汗流血
夢魂猶在玉門關

留別

丹湖湖上送行舟白鴈啼殘蘆葉秋采石江頭舊時路
題詩還憶水邊樓

詠竹

醉臥涼陰沁骨清石牀冰簟夢難成月明午夜生虛籟
悞聽風聲是雨聲

憶孟浩然

郊外凌競西復東雪晴驢背興無窮句搜明月梨花內
趣入春風柳絮中

寄友三首

新酒秦淮縮項鱖
凌霄花下共流連
別來客邸空翹首
細雨春風憶往年

寒燈孤對擁青氊
牢落何如似客邊
却憶花前酣後飲
醉呼明月上遙天

客裏逢春一惘然
梅花落盡柳如煙
無情最恨東來鴈
底事音書不肯傳

無題十首

細草鋪茵綠滿堤
燕飛晴日正遲遲
尋芳陌上花如錦
折得東風第一枝

錦箏銀甲響鶻弦
勾引春聲上綺筵
醉倚闌干花下月
犀梳斜亸鬢雲邊

楚雲湘雨會陽臺
錦帳芙蓉向夜開
吹罷玉簫春似海
一雙綵鳳忽飛來

春江新水促歸航
惜別花前酒漫觴
倒盡銀瓶渾不醉
却憐和淚入愁腸

誰知別易會應難
目斷青鸞信渺漫
情似藍橋橋下水
年來流恨幾時乾

漏滴銅龍夜已深
柳梢斜月弄疎陰
滿園芳草年年恨
別盡燈花夜夜心

夜合庭前花正開
輕羅小扇爲誰裁
多情驚起雙蝴蝶
飛入巫山夢裏來

憶別悠悠歲月長
酒兵無計敵愁腸
柔絲漫折長亭柳
縮得同心欲寄將

楊柳青青映畫樓翠眉終日鎖離愁
杜鵑啼落枝頭月
多為傷春恨不休

雲色鮫綃拭淚顏一簾春雨杏花寒
幾時重會鴛鴦侶
月下吹笙和綵鸞

寄同上人

高高山頂寺更有最高人
定起松鳴屋吟圓月上身雲
藏三伏熱水散百溪津
曾乞蘭花供無書又過春

夜坐

愁鬢丁年白寒燈丙夜青
不眠驚戍鼓久客厭郵鈴
洵城噴海疎疎屋漏星
十年窮父子相守慰飄零

弔方干處士二首

不謂高名下終全玉雪身
交猶及前輩語不似今人
別號行鳴鴈遺編感獲麟
歛衣應自定只著古衣一作儀巾

不比他人死何詩可挽君
淵明元嬾仕東野別攻文
滄海諸公淚青山處士墳
相看莫浪哭私謚有前聞

題證道寺

彎環青徑斜自是野僧家
滿澗洗巖液插天排石牙
爐寒餘栢子架靜落藤花
記得逃兵日門多貴客車

宿趙岷別業

溪山兵後縣風雪旅中人
迫夜愁嚴鼓衝寒託軟巾
摧藏名字在疏率饌殺真
今代徐元直高風自可親

原上

第五句
缺一字

危橋橫古渡村野帶平林
野鷺寒塘靜山禽曉樹深
雨微風矗雲暗雪侵尋
安道門前水清遊豈獨吟

寄臺省知己

久懷聲籍甚千里致雙魚
宦路終推轂親幃且著書
才名賈太傅文學馬相如
轍跡東巡海何時適我閭

自詠

白髮三千丈青春四十年
兩牙搖欲落雙膝痺如攣
強仕非時彥無聞惜昔賢
自期終見惡未忍捨遺編

遊陽明洞呈王理得諸君

禹穴蒼茫不可探
人傳靈笈鎖煙嵐
初晴鶴點青邊嶂

欲雨龍移黑處潭北斗齋壇天寂寂東風仙洞草氍毹
堪憐尹叟非關吏猶向江南逐老聃

新豐

沛中歌舞百餘人帝業功成里巷新半夜素靈先哭楚
一星遺火下燒秦貔貅掃盡無三戶雞犬歸來識四鄰
惆悵故園前事遠曉風長路起埃塵

拜越公墓因遊定水寺有懷源老

越公已作飛仙去猶得潭潭好墓田老樹背風深拓地

野雲依海細分天青峰曉接鳴鐘寺玉井秋澄試茗泉
我與源公舊相識遺言瀟灑有人傳

任潛謀隱之作

江邊秋日逢任子大理索詩吾欲忘爲問山資何次第
祇餘丹訣轉淒涼黃金范蠡曾辭祿白首虞翻未信方
千古浮雲共歸思曉風城郭水花香

晚秋遊中溪

淡竹岡前沙鴈飛小花尖下柘丸肥山雲不卷雨自薄

天氣欲寒人正歸
招伴祇須新稻酒
臨風猶有舊苔磯
故人舊業依稀在
怪石老松今是非

寄陳少府兼簡叔高

懷人路絕雲歸海
避俗門深草蔽丘
萬事漸消閒客夢
一年虛白少年頭
山醬啼緩從除架
淮鴈來多莫上樓
近日鄰家有新釀
每逢詩伴得淹留

過清涼寺王導墓下

江左風流廊廟人
荒墳拋與梵宮鄰
多年羊虎猶眠石

敗壁貂蟬祇貯塵萬古雲山同白骨一庭花木自青春
永思陵下猶淒切廢屋寒風吹野薪

第三溪

日晏霜濃十二月林疎石瘦第三溪雲沙有徑縈寒燒
松屋無人聞晝雞幾聚衣冠埋作土當年歌舞醉如泥
早知涉世真成夢不棄山田春雨犁

蒲津河亭

宿雨清秋霽景澂廣亭高樹向晨興煙橫博望乘槎水

日上文王避雨陵孤棹夷猶期獨往曲闌愁絕每長憑

思鄉懷古多

一作人

傷別況此

一作此

哀吟意不勝

毘陵道中

百年只有百清明狼狽今年又避兵煙火誰開寒食禁
簪裾那復麗人行禾麻地廢生邊氣草木春寒起戰聲
渺渺飛鴻天斷處古來還是闔閭城

越城待旦

第三句
缺一字

策策虛樓竹隔明悲來展轉向誰傾天寒鴈出萬里

月落越雞啼四更為底朱顏成老色看人青史上新名
清溪白石村村有五尺烏犍託此生

過浩然先生墓

人間萬卷龐翁老眼見堂堂入草萊行客須當下馬過
故交誰復裏雞來山花不語如聽講溪水無情自薦哀
猶勝黃金買碑碣百年名字已煙埃

贈孟德茂

浩然子

江海悠悠雪欲飛抱書空出又空歸沙頭人滿鷗應笑

船上酒香魚正肥
塵土竟成誰計是
山林又悔一年非
平生萬卷應夫子
兩世功名窮布衣

秋霽豐德寺與玄貞師詠月

露冷風輕霽魄圓
高樓更在碧山巔
四溟水合疑無地
八月槎通好上天
黯黯星辰環紫極
喧喧朝市匝青

一作

蔽蒼煙夜深獨與巖僧語
羣動消聲舉世眠

長陵

長安高闕此安劉
祔葬累累盡列侯
豐上舊居無故里

沛中原廟對荒丘耳聞明一作英主提三尺眼見愚民盜

一坏千載腐一作賢儒騎瘦馬渭城一作濱斜月一作日重回

頭

留別

西入潼關路何時更盍簪年來人事改老去鬢毛侵花
染離筵淚葵傾報國心龍潭千尺水不似別情深

宿獨留

日晚宿留城人家半掩門羣鴉棲老樹一犬吠荒村爭

買魚添價新筍酒帶渾船頭對新月誰與共清論

客中感懷

客路三千里西風兩鬢塵貪名笑吳起說國歎蘇秦託
興非耽酒思家豈為尊可憐今夜月獨照異鄉人

過三山寺

三山江上寺宮殿望岩堯石徑侵高樹沙灘半種苗一
僧歸晚日羣鷺宿寒潮遙聽風鈴語興亡話六朝

望夫石

江上見危磯人形立翠微
妾來終日望夫去幾時
歸明月空懸鏡蒼苔漫補衣
可憐雙淚眼千古斷斜暉

過湖口

江湖分兩路此地是通津
雲淨山浮翠風高浪潑銀
人行俱是客舟住即為鄰
俯仰煙波內蜉蝣寄此身

夜泊東溪有懷

水昏天色晚崖下泊行舟
獨客傷歸鴈孤眠歎野鷗
溪聲牽別恨鄉夢惹離愁
酒醒推篷坐淒涼望女牛

登廬山

五老峰巔望天涯在目前
湘潭浮夜雨巴蜀暝寒煙
秦華根同時嵩衡脈共聯
憑虛有仙骨日月看推遷

金陵九日

野菊西風滿路香
雨花臺上集壺觴
九重天近瞻鍾阜
五色雲中望建章
綠酒莫辭今日醉
黃金難買少年狂
清歌驚起南飛鴈
散作秋聲送夕陽

遊清涼寺

白雲紅樹路紆縈古殿長廊次第行南望水連桃葉渡
北來山枕石頭城一塵不到心源淨萬有俱空眼界清
竹院逢僧舊曾識旋披禪衲為相迎

高平九日

雲淨南山紫翠浮憑陵絕頂望悠悠偶逢佳節牽詩興
漫把芳尊遣客愁霜染鴉楓迎日醉寒衝涇水帶冰流
烏紗頻岸西風裏笑插黃花滿鬢秋

金陵懷古

碧樹涼生宿雨收
荷花荷葉滿汀洲
登高有酒渾忘醉
慨古無言獨倚樓
宮殿六朝遺古跡
衣冠千古漫荒丘
太平時節殊風景
山自青青水自流

道中逢故人

蘭陵市上忽相逢
叙別殷勤興倍濃
良會若同雞黍約
暫時不放酒杯空
愁牽白髮三千丈
路入青山幾萬重
行色一鞭催去馬
畫橋嘶斷落花風

早行遇雪

下馬天未明風高雪何急須臾路欲迷頃刻山盡白雞
犬寂無聲曙光射寒色荒村絕煙火髯凍布袍濕王事
不可緩行行動悽惻

樊登見寄四首

新辭翦秋水洗我胸中塵無由愜良會極目空懷人醉
來拔劍歌字字皆陽春

輕黃著柳條新春喜更始感時重搔首悵望不能已無
由託深情傾瀉芳尊裏

明月入我室天風吹我袍良夜最岑寂旅况何蕭條馳
情望海波一鶴鳴九臯

悠悠括城北眇眇巖泉西宿草暝煙綠苦竹含雲低幽
懷不可託鷓鴣空自啼

春風四首

春風吹愁端散漫不可收不如古溪水祇望鄉江流
新花紅爍爍舊花滿山白昔日金張門狼籍餘廢宅
回頭語春風莫向新花叢我見朱顏人多金亦成翁

多金不足惜丹砂亦何益更種明年花春風自相識

感物二首

駮驥初失羣亦自矜趨騰俛仰歲時久帖然困蚊蠅豪
鯨逸其穴尺水成滄溟豈無魚鼈交望望為所憎物理
有翁張達人同廢興幸無怵迫憂聊復曲吾肱

魚日出泥沙空村百金珍豫章值擁轅細細供蒸薪論
材何必多適用即能神託交何必深寡求永相親鮑叔
拙羈魯張生窮厄陳茫然扳援際豈意出風塵

和陶淵明貧士詩七首

貧賤如故舊少壯即相依中心不敢厭但覺少光輝向
來乘時士亦有能奮飛一朝權勢歇欲退無所歸不如
行其素辛苦奈寒飢人生繫天運何用發深悲

我居在窮巷來往無華軒辛勤衣食物出此二畝園薤
菘鬱朝露桑柘浮春煙以茲亂心曲智計無他奸擇勝
不在奢興至發清言相逢樵牧徒混混誰愚賢

松風四山來清宵響瑤琴聽之不能寐中有怨歎音旦

起繞其樹礪不計尋清陰可敷席有酒誰與斟由來
大度士不受流俗侵浩歌相倡答慰此霜雪心

中年涉事熟欲學唾面婁逡巡避少年赴穢不敢酬旁
人吁已甚自喜計慮周微勞消厚疚殘辱勝深憂從知
為下安處上反無儔人生各有志勇懦從所求

古人重畎畝有祿不待干德成祿自至釋耒列王官不
仕亦不貧本自足饕餮後世恥躬耕號呼脫飢寒我生
千襪後念此愧在顏為農倘可飽何用出柴關

村郊多父老面垢頭如蓬我嘗使之年言語不待工古

來名節士敢望彭城龔有叟謂其後更恨道不通

一作同

鄙哉譏譏者為隘不為通低頭拜野老負米吾願從

去年秋事荒販糴仰鄰州健者道路間什百成朋儔今
年漸向熟庶幾民不流書生自無田與衆同喜憂作詩
勞鄰曲有倡誰與酬亦無采詩者此修何可修

舟中望紫巖

近山如畫牆遠山如帚長我從雲中來回頭白茫茫惜

去乃爾覺常時自相忘相忘豈不佳遣此懷春傷飄灑
從何來衣巾濕微涼初疑風雨集冉冉遊塵黃無歸亦
自可信美非吾鄉登舟望東雲猶向帆端翔

九日遊中溪

悠悠循澗行磊磊據石坐林垂短長雲山綴丹碧顆蓼
花最無數照水嬌婀娜何知是節序風日自清妥羣童
競時新萬果間蔬蓏欣然爲之醉烏帽危不墮此日山
中懷孟公不如我

六月十三日上陳微博士

驕雲飛散雨隨風為有無老農終歲心望施在須臾平
生官田粟長此禮義軀置之且勿戚一飽任妻孥

青青澤中蒲九夏氣淒寒翻翻翠碧羽照影蒼溪間巢
由薄天下俗士榮一官小大各有適自全良獨難

窮居無公憂私此長夏日蚊蠅如俗子正爾相妒嫉麾
驅非吾任遁避亦無術惟當俟其定靜坐萬慮一

宿田家

第十四句
缺一字

落日下遙峰
荒村倦行履
停車息茅店
安寢正鼾睡
忽聞扣門急
云是下鄉隸
公文捧花押
鷹隼駕聲勢
良民懼官府
聽之肝膽碎
阿母出塘塞
老脚走顛躓
小心事延欸
餘糧復匱東
鄰借種雞
西舍覓芳醕
再飯不厭飽
一飲直呼醉
明朝怯見官
苦苦燈前跪
使我不成眠
為渠滴清淚
民膏日已瘠
民力日愈弊
空懷伊尹心
何補堯舜治

夏日訪友

提樹生晝涼濃陰撲空翠孤舟喚野渡村曠入幽邃高
軒俯清流一犬隔花吠童子立門牆問我向何處主人
聞故舊出迎時倒屣驚迓叙間闊屈指越寒暑殷勤爲
延欸偶爾得良會春盤擘紫蝦冰鯉斫銀鱠荷梗白玉
香苻菜青絲脆臘酒擊泥封羅列總新味移席臨湖濱
對此有佳趣流連送深杯賓主共忘醉清風岸烏紗長
揖謝君去世事如浮雲東西渺煙水

遊南明山

久聞南明山共慕南明寺幾度欲登臨日逐擾人事于
焉偶閒暇鳴轡忽相聚乘興樂遨遊聊此托佳趣涉水
渡溪南迢遙翠微裏石磴千疊斜峭壁半空起白雲鎖
峰腰紅葉暗溪嘴長藤絡虛巖疎花映寒水金銀拱梵
刹丹青照廊宇石梁卧秋溟風鈴作簷語深洞結苔陰
嵐氣滴晴雨羊腸轉咫尺鳥道轉千里屈曲到禪房上
人喜延竚香分宿火薰茶汲清泉煮投閒息萬機三生
有宿契行厨出盤飧擔甕倒芳醕脫冠挂長松白石藉

憑倚宦途勞營營暫此滌塵慮闔令促傳觴投壺更聯
句興來較勝負醉後忘爾汝忽聞吼蒲牢落日下雲嶼
長嘯出煙蘿揚鞭賦歸去

索蝦

姑孰多紫蝦獨有湖陽優出產在四時極美宜於秋雙
箝鼓繁鬚當頂抽長矛鞠躬見湯王封作朱衣侯所以
供盤餐羅列同珍羞蒜友日相親瓜朋時與儔既名釣
詩釣又作鉤詩鉤于時同相訪數日承欸留厭飲多美

味獨此心相投別來歲云久馳想空悠悠銜杯動遐思
啜口涎空流封緘托雙鯉于馬來遠求慷慨胡隱君果
肯分惠否

採桑女

春風吹蠶細如蟻桑芽纔努青鴉嘴侵晨採采誰家女
手挽長條淚如雨去歲初眠當此時今歲春寒葉放遲
愁聽門外催里胥官家二月收新絲

送許戶曹

沙頭小燕鳴春和楊柳垂絲煙倒拖將軍樓船發浩歌
雲檣高插天嵯峨白虹走香傾翠壺勸飲花前金叵羅
神鰲駕粟升天河新承雨澤浮恩波

詠葡萄

西園晚霽浮嫩涼開尊漫摘葡萄嘗滿架高撐紫絡索
一枝斜鞦金琅璫天風颼颼葉栩栩蝴蝶聲乾作晴雨
神蛟清夜蟄寒潭萬片濕雲飛不起石家美人金谷遊
羅幃翠幕珊瑚鉤玉盤新薦入華屋珠帳高懸夜不收

勝遊記得當年景清氣逼人毛骨冷笑呼明鏡上遙天
醉倚銀牀弄秋影


蟹

湖田十月清霜墮晚稻初香蟹如虎扳罾拖網取賽多
篋篋挑將水邊貨縱橫連爪一尺長秀凝鐵色含湖光
螯螭石蟹已曾食使我一見驚非常買之最厭黃髯老
償價十錢尚嫌少漫誇丰味過蝸蚌尖臍猶勝團臍好
充盤煮熟堆琳琅橙膏醬滌調堪嗜一斗擘開紅玉滿

雙螯啖出瓊酥香岸頭沽得泥封酒細嚼頻斟弗停手
西風張翰苦思鱸如斯丰味能知否物之可愛猶可憎
嘗聞取刺於青蠅無腸公子固稱美弗使當道禁橫行

叙別


譙樓夜促蓮花漏樹陰搖月蛟螭走蟠拏對月吸深杯
月府清虛玉兔吼翠盤擘脯臙脂香碧碗敲冰分蔗漿
十載番思舊時事好懷不似當年狂夜合花香開小院
坐愛涼風吹醉面酒中彈劍發清歌白髮年來為愁變



御定全唐詩卷六百七十一

謹案卷六百六十九第一頁前八行北闕風高隔
紫台刊本台訛苔據別本改





總校官庶吉士 臣 張能照

校對官檢討 臣 蕭九成

謄錄舉人 臣 張 昱

欽定四庫全書蒼要卷一萬八千七十七

集部

御定全唐詩卷六百七十二

唐彥謙

緋桃

雜
類
詩
緋
桃
荒圃四無鄰
烈火緋桃照地春
坐久好風休掩袂
夜來微雨已霑巾
敢同俗態期青眼
似有微詞動絳脣
晝日更無鄉井念
此時何必見秦人

小院

小院無人夜煙斜月轉明清宵易惆悵不必有離情
春雪初霽杏花正芳月上夜吟

霽景明如練繁英杏正芳姮娥應有語悔共雪爭光
文惠宮人

認得前家令宮人淚滿裾不知梁佐命全是沈尚書
贈竇尊師

我愛竇高士棄官仍在家為嫌句漏令兼不要丹砂
穆天子傳

王母清歌玉琯悲
瑤臺應有再來期
穆王不得重相見
恐為無端哭盛姬

楚天

楚天遙望每長嘔
宋玉襄王畫作塵
不會瑤姬朝與暮
更為雲雨待何人

寄徐山人

一室清羸鶴體孤
氣和神瑩爽冰壺
吳中高士雖求死
不那稽山有謝敷

題宗人故帖

所忠無處訪相如風笈塵編跡尚餘惟有孝標情最厚
一編遺在茂陵書

垂柳

絆惹春風

一作風光

別有情世間誰敢鬪輕盈楚王江畔無

端種餓損纖腰

一作宮娥

學不成

登興元城觀烽火

漢川城上角三呼扈蹕防邊列萬夫褒如冢前烽火起

不知泉下破顏無

鄧艾廟

昭烈遺黎死尚羞揮刀斫石恨譙周如何千載留遺廟
血食巴山伴武侯

曲江春望

杏豔桃光一作嬌奪晚霞樂遊無廟有年華漢朝冠蓋皆

陵墓十里宜春漢一作苑花

漢殿

鳥去雲飛意不通
夜壇斜月轉松風
君王寂慮無消息
却就閒人覓巨公

賀李昌時禁苑新命

振鷺翔鸞集禁闈
玉堂珠樹瑩風儀
不知新一作親到靈
和殿張緒何如柳一枝

牡丹

顏色無因饒錦繡
馨香惟解掩蘭蓀
那堪更被煙蒙蔽
南國西施泣斷魂

羅江驛

數枝高柳帶鳴鴉一樹山榴自落花
已是向來多淚眼短亭回首在天涯

奏捷西蜀題沱江驛

野客乘軺非所宜況將儒懦報戎機
錦江不識臨邛酒且免相如渴病歸

春早落英

紛紛從此見花殘轉覺長繩繫日難
樓上有愁春不淺

小桃風雪凭闌干

仲山

高祖兄仲
隱居之所

千載遺踪寄薜蘿
沛中鄉里舊山河
長陵亦是閒丘隴
異日誰知與仲多

漢嗣

漢嗣安危繫數君
高皇決意勢難分
張良口辨周昌吃
同建儲宮第一勛

四老廟

西漢儲宮定不傾可能園綺勝良平舉朝公將無全策
借請閒人羽翼成

南梁戲題漢高廟

數載從軍似武夫今隨我捷氣偏粗漢皇一作王若問何
為者免道高陽舊酒徒

洛神

人世仙家本自殊何須相見向中途驚鴻瞥過遊龍去
漫惱陳王一事無

初秋到慈州冬首換絳牧

秋杪方攀玉樹枝
隔年無計待春暉
自嫌暫作仙城守
不逐鶯來共燕飛

重經馮家舊里

馮家舊宅閉柴關
修竹猶存滴一作淘
水灣應繫星辰天

上去不留英骨葬人間

克復後登安國寺閣

千門萬戶鞠蒿藜
斷燼遺垣一望迷
惆悵建章鴛瓦盡

夜來空見玉繩低

題虔僧室

何緣春恨貯離憂
欲入空門萬事休
水月定中何所謂
也 嘖 看 黛 托 腮 愁

見煬帝寶帳

漢文窮相作前王
慳惜明珠不斗量
翡翠鮫綃何所直
千裨萬接上書囊

樓上偶題

塵土無因狎隱淪
青山一望每傷神
可能前嶺空喬木
應有懷才抱器人

親仁里聞猿

朱雀街東半夜驚
楚魂湘

一作和

夢雨徒

一作雨中

清五更撩

亂趨朝火滿口塵
埃亦數聲

聞李瀆司勛下世

異鄉丹旆已飄揚
一顧深知實未亡
任被褚裯泉下笑
重將北面哭眞長

試夜題省廊桂

麻衣穿穴兩京塵十見東堂綠桂春今日競飛楊葉箭
魏舒休作畫籌人

竹風

竹映風窗數陣斜旅人愁坐思無涯夜來留得江湖夢
全為乾聲似荻花

長溪秋望

柳短莎長溪水流雨微煙暝立溪頭寒鴉閃閃前山去

金方口人
卷六十七十二
杜曲黃昏獨自愁

嚴子陵

嚴陵情性是真狂
抵觸三公傲帝王
不怕舊交嗔僭越
喚他侯霸作君房

北齊

草草招提強據鞍
周師乘勝莫回看
背城肯戰知虛實
爭奈人前忍笑難

楚世家

偏信由來惑是非一言邪佞脫危機
張儀重入懷王手駟馬安車却放歸

驪山道中

月殿真妃下綵煙漁陽追虜及湯泉
君王指點新豐樹幾不親留七寶鞭

韋曲

欲寫愁腸愧不才多情練漉已低摧
窮郊二月初離別獨傍寒村嗅野梅

黃子陂荷花

十頃狂風撼麴塵
緣堤照水露紅新
世間花氣皆愁絕
恰是蓮香更惱人

野行

蝶戀晚花終不去
鷗逢春水固難飛
野人心地都無著
伴蝶隨鷗亦不歸

興元沈氏莊

清淺縈紆一水間
竹岡藤樹小躋攀
露沾荒草行人遍

月上高林宿鳥還江遶武侯籌筆地雨昏張載勒銘山
異鄉一笑應酣醉忘却愁來鬢髮斑

亂後經表兄瓊華觀舊居

一去仙居似轉蓬再經花謝倚春叢醉中篇什金聲在
別後音書錦字空長憶映碑逢若士未曾攜杖逐壺公
東風狼籍苔侵徑蕙草香銷杏帶紅

秋霽夜吟寄友人

槐柳蕭疎溽暑收金商頻伏火西流塵衣歲晚綠身賤

雨簟更深滿背秋前事悲涼何足道遠書慵懶未能修
惟思待月高梧下更就東牀訪惠休

賀李昌時禁苑新命

玉簡金文直上清禁垣丹地閉嚴扃黃扉議政參元化
紫殿補觴拂壽星萬戶千門迷步武非煙非霧隔儀形
塵中舊侶無音信知道遼東鶴姓丁

寄蔣二十四

鳥嘯蜂飛日漸長旅人情味悔思量禪門澹薄無心地

世事生疎欲面墻
二月雲煙迷柳色
九衢風土帶花香

大

一作亦

知高士禁愁寂
試倚闌干莫斷腸

寄懷

有客傷春復怨離
夕陽亭畔草青時
淚從

一作隨

紅蠟無

由制腸
比朱弦恐更危
梅向好風惟是笑
柳因微雨不勝垂
雙溪未去饒歸夢
夜夜孤眠枕獨欹

送樊瑄司業歸朝

近者蘇司業
文雄道最光
夫君居太學
妙譽繼中行
汲

郡陵初發汾陰篋久已寂寥方倚席容易忽升堂去日
應懸榻來時定裂裳愜心頻拾芥應手屢穿楊辯急如
無敵飛騰固自強論心期舌在問事畏頭長駟馬終題
柱諸生悉面牆啗螯譏爾雅賣餅訴公羊

三國志注魏
嚴幹善春秋

公羊鍾繇好左氏
謂公羊為賣餅家

未見泥函谷俄驚火建章煙塵昏象

魏行在隅巴梁紅粟填郿塢青袍過壽陽翦茅行殿濕
伐栢舊陵香黌室青衿盡渠門火旆揚雲飛同去國星
散各殊方賤子悲窮轍當年亦擅場齋辛尋幼婦醴酒

憶先王聖域探姬孔皇風樂禹湯畏誅輕李喜言命小
臧倉折樹休盤槩沈鉤且釣璜鴻都問詞客他日莫相
忘

奉使岐下聞唐弘夫行軍為賊所擒傷而有作
報國捐軀實壯夫楚囚垂欲復神都雲臺畫像皆何者
青史書名或不孤散卒半隨袁校尉寡妻休問辟司徒
聞君敗績無歸計氣激星辰坐向隅

咸通中始聞褚河南歸葬陽翟是歲上平徐方

大肆慶賞又詔八品錫其裔孫追叙風槩因成

二十韻

冊府藏餘烈皇綱正本朝不聽還笏諫幾覆綴旒祧咫尺言終直愴惶道已消淚心傳位日揮涕授遺朝飛燕潛來趙黃龍豈見謀既迷秦帝鹿難問賈生鵬襁卜絨滕秘金根轍跡遙北軍那奪印東海漫難橋羅織黃門訟笙簧白骨銷炎方無信息丹旄竟淪漂邂逅江魚食淒涼楚客招文忠徒謚議子卯但簫韶未見公侯復尋

傷嗣續凋流年隨水逝高誼薄層霄柱石林公遠縑緗
故國饒竒蹤天驥活遺軸錦鸞翹近者淮夷戮前年歸
馬調始聞移北葬兼議蔭山苗聖澤覃將溥貞魂喜定
飄異時窮巷客懷古漫成謠

岐王宅

朱郎平臺隔禁闈貴遊陳跡尚依稀雲低雍時祈年去
雨細長楊縱獵歸申白賓朋傳道義應劉文彩寄音徽

承平舊物惟君

一作名

畫猶寫雕鞍伴六飛

東一作陳韋曲野思

淡霧輕雲

一作陰

匝四垂綠塘秋望獨顰眉野蓮隨水無

人見寒鷺窺魚共影知九陌要津勞目擊五湖閒夢誘

一作有

心期孤燈夜夜愁欹枕一覺

一作覽

滄洲似昔時

上已

一作上已日寄韓八

上已接寒食鶯花寥落晨微微潑火雨草草踏青人涼

似三秋景清無九陌塵與余

一作伯與一作怕與

同病者對此合

傷神

移莎

移從杜城曲，置在小齋東。
正是高秋裏，仍兼細雨中。
結根方迸竹，疎蔭託高桐。
苒苒齊芳草，飄飄笑斷蓬。
片時留靜者，一夜響鳴蛩。
野露通宵滴，溪煙盡日蒙。
試才卑庾薤，求味笑周菘。
只此霜栽好，他時贈伯翁。

西明寺威公盆池新稻

為笑江南種稻時，露蟬鳴後雨霏霏。
蓮盆積潤分畦小，藻井垂陰擢秀稀。
得地又生金象界，結根仍對水田衣。

支公尚有三吳思更使幽人憶釣磯

紅葉

無處不飄揚高樓臨道傍素娥前夕月青女夜來霜宿
雨隨時潤秋晴著物光幽懷長若此病眼更相妨蜀紙
裁深色燕脂落靚粧低叢侵小閣倒影入迴塘謝眺留
霞綺甘寧棄錦張何人休遠道是處有斜陽薜荔垂書
幌梧桐墜井牀晚風生旅館寒籟近僧房桂綠明淮甸
楓丹照楚鄉鴈疎臨鄆杜蟬急傍瀟湘樹異桓宣武園

非顧辟疆茂陵愁卧客不自保危腸

鷓鴣

一宿南塘煙雨時好風搖動綠波微驚離曉岸衝花去
暖下春汀照影飛華屋撚弦彈鼓舞綺窗含筆澹毛衣
畫屏見後長回首爭得雕籠莫放歸

螢

日下蕪城莽蒼中濕螢撩亂起衰

一作花

叢寒煙陳后長

門閉夜雨隋家舊苑空星散欲陵前檻月影低如試北窗

風霸人此夕方愁緒心似寒灰首似蓬

夜蟬

翠竹高梧夾後溪勁風危露雨淒淒那知北牖殘燈暗
又送西樓片月低清夜更長應未已遠煙尋斷莫頻嘶
霸人此夕如三歲不整寒衾待曙雞

七夕

露白風清夜向晨小星垂佩月埋輪絳河浪淺休相隔
滄海波深尚作塵天外鳳皇何寂寞世間烏鵲漫辛勤

倚闌殿北斜樓上多少通宵不寐

一作睡

人

中秋夜玩月

一夜

一作上

高樓萬景奇碧天無際水無涯只

一作空

留皎

月當層漢並送浮雲出四維霧靜

一作盡

不容玄豹隱冰

生惟

一作祇

恐夏蟲疑坐來離思憂將曉爭得嫦娥仔細

知

八月十六日夜月

斷腸佳賞固難期昨夜銷魂更不疑丹桂影空蟾

一作蟬

有露綠槐陰在鵲無枝賴將吟詠聊惆悵早是疎頑耐
別離堪恨賈生曾慟哭不緣清景為憂時

送韋向之睦州謁使君

才子南遊多遠情閒舟蕩漾任春行新安江上長如此
何似新安太守清

春殘

景為春時短愁隨別夜長暫碁寧號隱輕醉不成鄉風
雨曾通夕莓苔有衆芳落花如便去樓上即河梁

玫瑰

麝炷騰清燎，鮫紗覆綠蒙。
宮妝臨曉日，錦段落東風。
無力春烟裏，多愁暮雨中。
不知何事意，深淺兩般紅。

牡丹

真宰多情巧思新，固將能事送殘春。
為雲為雨徒虛語，傾國傾城不在人。
開日綺霞應失色，落時青帝合傷神。
嫦娥婺女曾相送，留下鴟黃作藥塵。

秋晚高樓

松拂疎窗竹映闌素琴幽怨不成彈清宵霽極雲離岫
紫禁風高露滿盤晚蝶飄零驚宿雨暮鴉凌亂報秋寒
高樓瞪目歸鴻遠如信嵇康欲畫難

離鸞

聞道離鸞思故鄉也知情願嫁王昌塵埃一別揚朱路
風月三年宋玉牆下疾不成雙點淚斷多難到九迴腸
庭前佳樹名梳子試結同心寄謝娘

柳

春思
春愁一萬枝
遠村遙岸寄相思
西園有雨和苔長
南內無人拂檻垂
遊客寂寥緘遠恨
暮鶯啼叫惜芳時
晚來飛絮如霜鬢
恐為多情管別離

春陰

一寸迴腸百慮侵
旅愁危涕雨爭禁
天涯已有銷魂別
樓上寧無擁鼻吟
感事不關河裏笛
傷心應倍雍門琴
春雲更覺愁于我
閒蓋低村作暝陰

春深獨行馬上有作

日烈風高野草香
百花狼籍柳披猖
連天瑞靄千門遠
夾道新陰九陌長
衆飲不歡逃席酒
獨行無味放遊韉
年來與問閒遊者
若箇傷春向路旁

春雨

綺陌夜來雨
春樓寒望迷
遠容迎燕戲
亂響隔鶯啼
有恨開蘭室
無言對李蹊
花欵渾拂檻
柳重欲垂堤
燈檠昏魚目
薰爐咽麝臍
別輕天北鶴
夢怯汝南雞
入戶侵羅幌
梢簷潤繡題
新豐樹已失
長信草初齊
亂蝶寒猶

舞驚烏暝不栖庾郎盤馬地却怕有春泥

漢代

漢代金為屋吳宮綺作寮豔詞傳靜婉新曲定妖嬈箭
響猶殘夢籤聲報早朝鮮明臨曉日迴轉度春宵半袖
籠清鏡前絲壓翠翹靜多如有待閒極似無慘梓澤花
猶滿靈和柳未凋障昏巫峽雨屏掩浙江潮未信潘名
岳應疑史姓蕭漏因歌暫斷燈為雨頻挑飲酒闌三雅
投壺賽百嬌鈿蟬新翅重金鴨舊香焦水淨疑澄練霞

孤欲建標別隨秦柱促愁為蜀弦么玄晏難瘳痺臨邛
但發瘡聯詩徵弱絮思友詠甘蕉王氏憐諸謝周郎定
小喬黼幃翹綵雉波扇畫文鯨符密妨垂釣荷欵欲度
橋不因衣帶水誰覺路迢迢

牡丹

青帝於君事分偏穠堆浮豔倚朱門雖然占得笙歌地
將甚酬他雨露恩

湘妃廟

劉表荒碑斷水濱
廟前幽草閉殘春
已將愁淚留斑竹
又感悲風入白蘋
八族未來誰北拱
四凶猶在莫南巡
九峰相似堪疑處
望見蒼梧不見人

句

獨來成悵望
不去泥欄干

惜花見
詩人玉屑

御定全唐詩卷六百七十二

欽定四庫全書蒼要卷一萬八千七十八

集部

御定全唐詩卷六百七十三

周朴

周朴字太朴吳興人避地福州寄食烏石山僧寺黃巢寇閩欲降之朴不從遂見害詩一卷

題甘露寺

層閣疊危壁瑞因

一作因成

千古名幾連楊子路獨倚潤州

城雲近銜江色鵬高背磬聲僧居上方久端坐見營營

題玄公院

院深塵自外

一作幽深
自塵外

如佛值玄公常跡或

一作悲

非次

志門因得中衣中離暑氣牀榻向涼風是事不逾分祇

應明德同

福州

一作唐

東禪寺

甌閩

一作閩

在此

郊外師院號東禪物得居來正人經

論後賢

一作絕

槽柳塞馬蓋地月支

綖

一作筵
鶴鵲尚

更巢頂誰堪舉世傳

贈大瀉和尚

大瀉清復深萬象影沈沈有客衣多毳空門偈勝金王
侯皆作禮陸子只來吟我問師心處師言無處心

秋夜不寐寄崔溫進士

愁多難得寐展轉讀書牀不是旅人病豈知秋夜長歸
鄉憑遠夢無夢更思鄉枕上移窗月分明是淚光

春中途中寄南巴

一作巴東

崔使君

旅人遊汲汲春氣又融融農事蛙聲裏歸程草色中獨

慙出穀雨未變暖天風子玉和予去應憐恨不窮

寄處士方干

桐廬江水間終日對柴關因想別離處不知多少山釣

舟春岸泊庭樹曉

一作晚

鶯

一作煙

還莫便求棲隱桂枝堪

恨顏

寄塞北張符

隴樹塞風吹遼城角幾枝霜凝無暫歇君貌莫應衰萬
里平沙際一行邊鴈移那堪朔煙起家信正相離

次梧州却寄永州使君

隨風

一作雲

身不定今夜在蒼梧客淚有時有猿聲無處

無潮添瘴海濶煙拂粵山孤却憶零陵住吟詩半玉壺

贈念經僧

菴前古折碑夜靜念經時月皎

一作皓

海霞散露濃山草

垂鬼聞拋故塚禽聽離寒枝想得天花墜馨香拂白簪

董嶺水

湖州安吉縣門與白雲齊禹力不到處河聲流向西去

衙山色遠近水月光低中有高人在沙中曳杖藜

早春

良夜歲應足嚴風為變春
遍回寒作暖通改舊成新秀

樹因馨雨

一作花
馨霧

融冰雨泛蘋韶光不偏黨積漸煦疲

民

秋深

一作塞
上行

柳色尚

一作正

沈沈風吹秋更深山河空遠道鄉國自鳴

砧巷有千家月人無萬里心
長城哭崩後寂絕

一作莫

至

如今

贈雙峰山和尚

峩峩雙髻山瀑布瀉雲間塵世自疑水
禪門長去闔荜神松不異藏寶石俱閒
向此師清業如何方可攀

贈無了禪師

不學世所惜是何無了公靈

一作雲

匡虛院

一作殿

外虎跡

亂山中晝夜必連去古今爭敢同禪情
豈堪問問答更無窮

王霸壇

即今西禪寺山南鑿井有白龜吐泉霸因之煉藥點金利濟貧民服其餘藥于

皂莢樹下
蟬蛻而去

王君上升處信首古居前皂樹即須朽白龜應亦全雲
間猶一日塵裏已千年碧色壇如黛時人誰可仙

送梁道士

舊居桐柏觀歸去愛安閒倒樹造新屋化人修古壇晚
花霜後落山雨夜深寒應有同溪客相尋學鍊丹

邊思

年高來遠戍，白首罷干戈。
夜色薊門火，秋聲邊塞風。
磧浮悲老馬，月滿引新弓。
百戰陰山去，唯添上將雄。

哭陳庾

繫馬向山立，一梧聊奠君。
野煙孤客路，寒草故人墳。
琴韻歸流水，詩情寄白雲。
日斜休哭後，一作處松韻一作吹不

堪聞

宿玉泉寺

野寺度殘夏，空房欲暮

一作

時夜聽猿不睡，秋思客先

知竹迴煙生薄山高月上遲又登塵路去難與老僧期

題赤城中巖寺

一本無
下三字

浮世師休話晉時燈照巖禽飛穿靜戶藤結入高杉存
沒詩千卷廢興經數函誰知將俗耳來此避囂讒

塞上行

秦築長城在連雲磧氣侵風吹邊草急角絕塞鴻沈世
世征人往年年戰骨深遼天望鄉者回首盡霑襟

玉泉寺

寺還名玉泉澄

一作冽

水亦遭賢物尚猶如此人爭

一作心

合偶然溪流雲斷外山峻鳥飛還

一作前

初日長廊下高

僧正坐禪

春宮怨

一作杜荀鶴詩

早被嬋娟誤欲妝
臨鏡慵承恩不在貌
教妾若為容風
暖鳥聲碎日高花影重
年年越溪女相憶采芙蓉

宿劉溫書齋

不掩盈窗日天然格調高
涼風移蟋蟀落葉在離騷
迴

筆挑燈燼懸圖見海潮因論三國志空載幾英豪

登福州南澗寺

萬里重山遶福州南橫一道見溪流天邊飛鳥東西沒

塵裏行人早晚休曉日青

一作春

山當大氣連雲古塹對

高樓那堪望斷他鄉目

一作外一作客

只此蕭條自白頭

望中懷古

齊心樓上望浮雲萬古千秋空姓名堯水永銷天際去

姬風一變世間平高蹤盡共煙

一作天

霞在大道長將日

月一作白日明從此安然寰海內
後來無復謾相傾

昇山寺

昇山自古道飛來
此是神功不可猜
氣色雖然離禹穴
峰巒猶自接天台
巖邊折樹泉衝落
頂上浮雲日照開
南望閩城塵世界
千秋萬古卷塵埃

哭李端

三年翦拂感知音
哭向青山永夜心
竹在曉煙孤鳳去
劍荒秋水一龍沈
新墳日落松聲小
舊宅春殘草色深

不及此時親執紼石門遙想淚霑襟

福州神光寺塔

良匠用材為塔了神光寺更得高名風雲會處千尋出

一作直日月中時八面明海水旋流倭國野天文方戴一作

載福州城相輪頂上望浮世塵裏人心應總一作早晚平

福州開元寺塔

開元寺裏七重一作層塔遙對方山影擬齊雜俗人看離

世界一作境孤高僧上一作坐覺天低唯堪片片紫霞映不

與濛濛白霧迷心若無私羅漢在參差免向日虹西

春日秦國懷古

荒郊一望欲消魂
涇水縈紆傍遠村
牛馬放多春草盡
原田耕破古碑存
雲和積雪蒼山晚
煙伴殘陽綠樹昏
數里黃沙行客路

一作
路客

不堪回首思秦原

春日遊北園寄韓侍郎

灼灼春園晚色分
露珠千點映寒雲
多情舞蝶穿花去
解語流鶯隔水聞
冷酒杯中宜泛艷
晚風林下自氤氳

仙桃不肯全開拆應借餘芳待使君

喜賀拔先輩衡陽除正字

黃紙晴空墜一緘聖朝

一作明

恩澤洗冤讒李膺門客為

閒客梅福官銜改舊銜名自石渠書典籍香從芸閣著
衣衫囊中不用憂天旱霖雨看看屬傅巖

客中賃車寄蕭郎中

松店茅軒向水開東頭舍賃一裘徊窗吟苦為秋江靜
枕夢驚因曉角催鄰舍見愁賒酒與主人知去索錢來

眼看白筆為霖雨肯使紅鱗便曝腮

贈李裕先輩

曉擎弓箭入初場一發曾穿百步楊
仙籍舊題前進士聖朝新奏校書郎
馬疑金馬門前馬香認芸香閣上香
閒伴李膺紅燭下慢吟絲竹淺飛觴

桐栢觀

東南一境清心目有此千峰插翠微
人在下方衝月上鶴從高處破煙飛
巖深水落寒侵骨門靜花開色照衣

欲識蓬萊今便是更於何處學忘機

塞上

受降城必破回落隴頭移蕃道北海北謀生今始知

塞上曲

一陣風來一陣砂有人行處沒人家黃河九曲冰先合
紫塞三春不見花

塞下曲

石國胡兒向磧東愛吹橫笛引秋風夜來雲雨皆飛盡

月照平沙萬里空

詠猿

生在巫山更向西不知何事到巴溪
中宵為憶秋雲伴
遙隔朱門向月啼

桃花

桃花春色暖先開
明媚誰人不看來
可惜狂風吹落後
殷紅片片點莓苔

薛老峰

薛老峰頭三箇字須知此與石齊生直教截斷蒼苔色
浮世人儕眼始明

弔李羣玉

羣玉詩名冠李唐投詩換得校書郎吟魂醉魄知何處
空有幽蘭隔岸香

無等巖

建造上方藤影裏高僧往往似天台不知名樹簷前長
曾問道人巖下來

句

古陵寒雨集高鳥夕陽明
高情千里外長嘯一聲初

以上見張
為主客圖

月離山一丈風吹花數苞

見吟窗
雜錄

曉來

山鳥鬧雨過杏花稀

見優古
堂詩話

曲渚回灣鎖釣舟
平潮

晚影沈清底遠岳危欄等翠尖

以上見海
錄碎事

白日纔離

滄海底清光先照戶窗前

靈巖廣化
寺見閩志

連雲天塹有山

色極目海門無鴈行
可憐黃雀銜將去從此莊周夢

不成咏蝶蝶見
泉州志

禪是大瀉詩是朴大唐天子只三人

贈大
瀉

御定全唐詩卷六百七十三